



## BALEMIRUI BA SELEGAE BA RUA DINOTSHE

Balemi ba le barataro bao e leng karolo ya lenaneo la Tlhabololo ya Kgwebo ya Zeerust Solar ba nnile le seabe go thutanotiro ya matsatsi a le mabedi a katiso ya go rua dinotshe, ka firisan le Setheo sa Tlhabololo ya Badiri ba Meepo.

Setlhophpha seno sa balemirui ba selegae ba nnile le seabe go katiso tirong, go ithuta tsela ya go simolola le go tsamaisa kgwebo ya go rua dinotshe. Katiso e ne ya tsenyeletsa gape bothokwa jwa dinotshe mo intasetering ya temothuo le tikologo.

Motsaakarolo mongwe le mongwe gape o amogetse palogothe ya metshishhi ya dinotshe e le 120, mo godimo ga diaparo tsa tshireletso tse di bothokwa(PPE) le didiriswa tse dingwe. Seno se tla ba thusa go simolola tlhagiso ya mamepe ya bona kwa dipolaseng tsa bona.

"Seno e nnile maitemogelo a a gaisang thata ao nkileng ka nna nao. Ke itumeletse go jala sonobolomo gore dinotshe di tie di tlhagise mamepe a mantsi." - **Thabisile Tshabalala, a le mongwe wa batsaakarolo ba lenaneo.**



## TSHEGETSO YA KGAKOLOLO GO TIRO

Lenaneo la Tshegetso go Tiro le ne la thankgolelwaa barutwana ba mophato 9 go ralala dikolo tsa sekontari di le robongwe kwa le go dikologa kgaolo ya Zeerust, ka go feta barutwana ba le 1 000 ba tsaya karolo mo letsholopontsho.

Barutwana ba ne ba mekane le dimojule tse di jaaka Personal Mastery; Subject VS Career Choice; le Journey Mapping.

"Morago ga go ithuta ka ga ditheo tse di faroganeng le go tlhophha dirutwa, jaanong ke a its'e gore ke dirutwa dife tse ke tla di dirang ngwaga o o latelang e bile ke ikutlwaa o kare mokgweleo o o neng o le mo magetleng a me o folositswe." - **Tshiamo More, morutwana wa mophato 9 go tswa kwa Sekolong sa NR Mandela Commercial.**

Dikolo tse di ikungwetseng molemo go tswa mo lenaneong leno di akaretsa Sekolo se Segolo sa Ikageleng, Sekolo sa Zeerust Combined, Sekolo sa NR Mandela Commercial, Sekolo se Segolo sa Rearabilwe, Sekolo se Segolo sa Mokgakala, Sekolo sa Sekontari sa Ntebogang, Sekolo sa Sekontari sa Motsaalo, Sekolo se Segolo sa Phakedi, le Sekolo Se Segolo sa Mmajane.



## KOTULO YA NTLHA YA BORAKGWEBO BA TEMOTHUO

Yo mongwe wa batsaakarolo ba Lenaneo la Tlhabololo ya Kgwebo, Refilwe Nerinda, ke mong wa dihekетара di le nne tsa lefatshе gaufi le Ntsweletsoku kwa Zeerust, le dipoloto di le mmalwa kwa Polaseng ya Ditshingwana ya Motlhaka, fao a lemang merogo ya gagwe.

Jaaka rakgwebo wa temothuo wa ntlha mo setlheng seno go kotula dijalo tsa gagwe, Refilwe o simolotse ka go kotula khabetšhe ya gagwe, a ntsha dikhabetšhe di le 250 le go di rekisa. Gape o sa tswa go simolola porojeke ya sekolo ya ditshingwana, mmogo le baithuti ba Sekolo se Segolo sa Ngotwane.

Khamphani ya ga Refilwe, 'Heaven on Earth Enterprises', ke kgwebo ya temo e e tswakaneng eo e akaretsang dikgogo, magou le dijalo tse di jaaka khabetšhe, ga mmogo le dieie tse di khibidu le tse di thokwa. O ikwadisitse mo Lenaneong la Tlhabololo ya Kgwebo go bona thuso, a ithoma le go ithuta tsela ya go tsamaisa polase ya gagwe ya dijalo.



## GO TSWELETSWA BOTSWERERE MO GO RUTENG




Re motlotlo gobo re etleeditse Dikgele tsa bo 22 tsa Bosetšaba tsa Go Ruta, e e neng e tshwerwe ke Lefapha la Thuto kwa Seka-Sedika sa Ramotshere Moiloa. Tshegetso eno e tsenyeletsa tlamelo ya di laptop go barutabana ba ba dirang sentle thata, go ralala ditlhophpha tse di faroganeng.

Tiragalo e ne e ikaeletse go lemoga dikgato tse di itumedisang thata tse di diriweng ke barutabana, go le gantsi ka fa tlase ga maemo a a boima, ga mmogo le go lemoga le go tsweletsa botswerere mo tiragatsong ya go ruta, le go neela Maaforikaborwa tshono ya go leboga ditlhophpha tsotlhe tse di gaisang le barutabana ka bongwe kwa dikolong.

## TIRISO YA KOTARA (Q3 2022)

- Tlhabololo ya Kgwebo
- Katlaatlelolago/Hearts and Minds
- Thuto
- Boitekanelo



## GOLAGANYA LE RONA

ZeerustCommunity

**Diura tsa Tiro**

Mosupologo - Labotlhano: 08:30 – 17:00

**Molaodi wa Ditragatso tsa Baagi**

Tshepo Kgoloane

021 670 1400 or 082 299 9065

tshepo.kgoloane@eimsafrica.com

**STAY SAFE**  
#CoronaVirus

[www.ncd.ac.za](http://www.ncd.ac.za)  
[www.health.gov.za](http://www.health.gov.za)

**Saete ya Didiriswa tsa Aforika Borwa tsa COVID-19:**  
[www.sacoronavirus.co.za](http://www.sacoronavirus.co.za)